

桴亭先生詩集

桴亭先生詩集卷三

太倉陸世儀道威著

戊子至己丑

和盛子聖傳寒溪八詠

寒溪

寒溪一勺水寒氣何凜冽願借寒溪寒蕩滌天下熱

竹林

此竹君所獨而我實共之每來竹下坐得意便題詩

閑耕

牆裏人讀書牆外人種田讀罷一相閱辛苦各自憐

灌蔬

學圃小人事搨搨復何益知君抱甕心聊以當運甓
聽鳥

欲曙未曙天鳥聲動林渚念君高枕時樂意不可語
釣魚

古來二釣翁桐江與渭濱出處各有道君意將誰遵
話雨

天雨暗欲暮客心殊未央呼童更煮茗高論正微茫

眺雪

十日風雪寒積玉在高樹空庭有幽人浩然方得句

偶念熊芝岡有作

履霜自爾至堅冰今日何須重歎驚二十年前檀道濟中原已自壞長城

三月廿九日過訪確菴劇談三夕賦此以贈步

石隱韻

劇談過夜半醉眼欲生花雷鬱雨聲積燭闌人影斜

不知誰是客適意便爲家抵掌商經濟同心未足誇

時確菴著典禮會通

與予乙酉所著略同

同石隱寒溪確菴訪諸接侯

四月已徂夏村中猶薄寒放船呼歸一作佃客試淺借

漁竿微雨水波靜

淨一作

好風平野寬僻居驚過艇往

往荷锄看

一本作幽居將在望時起隔林看

此是高人隱蕭蕭竹樹寒門前繫艇石屋裏釣魚竿
天地憂方大身心理自寬相逢惟恐別遽起索書看

時接侯有新著

蔚村八詠

有小序

戊子四月同石隱寒溪過蔚村訪確菴凡三
夕賦詩將別而風雨不已石隱乃拈蔚村八
勝題各賦五言八絕以擊磬爲限遲者飲之
以爵皆操筆立成不逾晷刻時案頭止一筆

爭書不暇未嘗停几雖工拙不倫亦足見吾

黨一時之勝情矣寒溪稍後成罰依金谷

尉遲廟

蔚村有尉遲土地祠

鄂公千載豪未必辨稼稽因知田野趣英雄有同得

古井

在尉遲廟側土人云每有光怪

村中好溪水不識井泉香寂寞古祠下夜夜發神光

七十二潭

村中有七十二潭土人皆種荷花

何處放舟好紅蓮四面開澄潭七十二盡日看花來

楊氏宅

卽今確菴居昔鳳林周芝山曾避倭於此

昔賢避兵處今日成古迹遙知千載後高風更逾昔

龍窟嘴相傳有龍下飲於此

白龍已飛去尙餘龍窟嘴惟有卧龍人時來挹溪水

郭母瀆不知何許人土亦未之識

止聞郭母名不聞郭母事溪頭流水聲彷彿猶古意

四堰村中環圩作四堰水旱藉以蓄洩

村中多水田繞村作隄捍春水自浮天村流只半岸

大浜

儂家大浜南種田大浜北飯熟放船來遙遙未能卽江澄之家庭中有繡毬一株甚盛招予及石隱

寒溪同飲有賦

春風吹雪上枝頭散作千花當酒籌坐久話闌入盡
醉庭中冷浸水晶毬

四月戊辰過瀾漕訪黃子幼玉幼玉爲續舉蓮
社時同過者石隱寒溪確菴諸兄也席未半
大雷震電雨雹如拳屋瓦盡振一作碎同志皆
錯愕而起爲之撤席賦此志異并贈幼玉

瀾漕溪頭水千尺上有主人能愛客買魚沽酒續蓮
社痛飲清吟話平昔主人情重席未終西北歎忽來
長風驚龍走蛟勢慘惡一作淡天地翻覆須臾中疾雷
當空屢欲墮落一作積雪凝冰千萬箇一作噴薄大者擊

石小射丸頃刻郊原盡如剗一作斫吾聞至人之所居

口

青草湖頭鬪劍鐸蓮花社裏發清吟野人自愧無才

戾氣不入其庭除豈因俗客耐久坐風雨不樂爲之
祉只今海內無寧郡一方清福天所靳我輩安享或
未知毋乃上帝垂警訓願我同志一作社各勵修藍田

鄉約古所求和氣感天天不怒雨暘歲歲蒙天休

鹿城黃幼玉北村過訪石隱石隱并拉予輩

同過小酌再舉蓮社卽席口占

青草湖頭鬪劍鐸蓮花社裏發清吟野人自愧無才
思聊寫謳歌一片心

端午日確菴至鴻逸憩雪齋同諸友卽席二首

細切菖蒲浸酒卮
觥籌互起笑參差
可憐益智無佳糓
四海誰添續命絲

潭上山人衣薜蘿
陶巾新製樣如何
時石隱新製陶巾
久住桃源裏不向江頭問汨羅

同確菴諸兄過藥園楓林書舍分韻得書字

水滿田頭樹滿廬
知君別構好安居
一江小隔塵初絕
數畝新耕食有餘
蓮社客來緣話舊
梓亭人至爲論書
莫愁佐酒無佳味
賸有溪中自種魚

同確菴諸兄過藥園楓林書舍分韻又得門字代俊求

數家籬落未成村
綠水青蒲繞薜門
醉裏雄心消竹

石閒中幽事及雞豚賦詩飲酒多師友讀禮談經有弟昆荒僻久拚人事廢牀頭賴有一樽存

暮虹聯句有小序

戊子端陽後一日與石隱尊素寒溪確菴鴻
逸會於藥園楓林書舍午餘小飲時天半暮
虹忽起光映四座乃共約聯句爲酒政人占
一句以多寡爲勝負吟笑互發頃刻而成既
成罰皆如約又令占勝句者得自舉觴諸友
皆引滿浮大白莫敢不醉可謂極遊娛之情
窮嘯歌之樂矣次日予更爲節其尤複詮次

成篇得四十二韻俊求出素卷屬子書之

東南暮虹吸日光

石隱

橫互天半浮金梁

寒溪

恍兮

惚兮混大荒

確菴

赤白紫綠青紅黃

桴亭

誰持玉尺

爲度量

石隱

九一度三分強

確菴

三分一作半差

或云樓

閣蜃吐章

尊素

一作怪魚騰湧翔扶桑下注士起

映水半玦成圓光

確菴

蛟鼈出波仰首望

寒溪

翅張尾垂雙鳳皇

確菴

天

孫上祝供七襄

桴亭

鈞天出奏飄霓裳

藥園

繞身感

孕誕前王

石隱

秦皇複道走媵嬌

確菴

羣上羣下占

豐穰

確菴

入井入釜來無方

桴亭

刻畫大文施丹黃

桴亭

我欲攜之袖中藏

確菴

妖氛四罩

一作照

蔽敵一作

太陽石隱駭雜紊亂干穹蒼梓亭黃道赤道移其方

寒溪

神龍歛威霖雨藏

寒溪

月華氤氳當晝揚

梓亭

口口口口口口口石隱

人莫敢指徒彷徨

確菴

珊瑚

木難七寶裝

梓亭

鑿嵌堆梁神鬼忙

石隱

醉暈重疊

天猶祥

梓亭

大眼五色迷文章

梓亭

生而眇者恨目

盲確菴

懸我繡裳天中央

梓亭

吐我浩氣天俱長

梓亭

荆卿感此激日旁

鴻逸

雷鼓砰擊雲旗颺

梓亭

倚

天長劍紛四張

尊素

龍文五采占吉祥

梓亭

委蛇蜿

蜒何激昂

藥園

照耀屈曲森翔翔

梓亭

沈埋寶物騰

光芒

梓亭

斗牛上射精氣長

藥園

操作彩棒威邊疆

石隱化爲慶雲徧萬方

桺亭

沙溪呂石英吾友尊素之高足昔曾問學於予
乙酉兵難父子被執石英爭死遂遇害其室
龔氏斷指誓守友人爲之作傳予讀而悲爲

作五言一首并弔石英

石英古奇士心與質俱靜論學珠樹堂

一作薛
軒
於焉

識介性北風摧芝蘭根幹一日盡天心固難知死孝
亦正命德配有貞媛閨閣氣彌勁此身未可死先以
一指殉隻力營五喪獨居息歟論沙溪咫尺地真氣
乃四映

輓南郭張先生絕句十首

有序

南郭先生名滿天下四方賢人君子出其門
者無慮千數而儀獨以同里一小子儼然與
先生分庭抗禮先生不以爲迂狂更器之愛
之先生知我勝我自知也然以學問未堅多
口可畏生平所有拙著與先生見者十之三
未及與見者十之七喪亂略定正擬倩人繕
寫就正先生於溪深樹密之間而先生已高
逝矣徘徊秘惜此予負先生非先生負予也
聞訃之後中心若焦以病瘞遲至今日罪矣

罪矣絕句十首聊以代哭亦識平生相與之情耳先生之德固不煩揄揚也嗚呼先生其尙知我耶其不知我耶

杜老文章驚海內李公車馬溢門庭鄴侯未遂平生志辜負當年張九齡公於予有小友之月

直節清風自駭羣是非今古總紛紜莫言海內皆知己鄉黨誰人解識君妻中人獨不知公

猶記南中特寄辭辛勤痛哭爲憂時只今天地風塵滿泉下何年更解頤甲申十月南中歸札有言之落涕之語

江山宇宙浩無窮寥落鵝湖不再逢一自儉齋人去

後空堂夜夜起悲風

乙酉春先生招予與姚江史子虛論學於儉齋

薄俗難將古道馴識時明哲貴藏身非關蜂蟻偏能

毒止是龍潛未隱鱗

予與先生有遷齋之約因畱情鄉國未能早決

干戈草莽各睽離相見無從每念茲夢裏不忘平日

誼殷勤猶是獻箴規

丙戌春予夢與先生談有越境乃免之語先生欣然諾之宛如

平日

談經相約在秋涼正擬攜書自裹糧小艇平頭竟何

處西風目斷倍神傷

先生擬於今秋遣舟迓予與文介石先生同往論學

十年發憤學垂帷每欲相商畏俗疑故老云亡斯道

喪天涯何處哭鍾期

先生每索讀思辨錄予恐流俗多議論卒不果

聖典何容更贅辭知公雅志託江蘯蒼麟未見筆先
絕此道茫茫更屬誰時先生方有事於春秋

炙雞絮酒尋常事無物堪將表德馨一陌紙錢都不
用兩枝明燭照公心

予拜先生止燭辨香雙燭他不敢瀆

對桂花有感

叢桂花開繞敝廬三年笑眼未曾舒野人不是無情
思半爲憂時半讀書

楓葉

萬木皆搖落丹楓獨赭然亦知秋氣改聊以醉爲天
蓼中翼王陸兄黃蘊生高弟也邃於理學冬至

日過訪予留小酌與虞九共宿桴亭談道竟夕喜而有賦

有此溪山有此亭誰人亭上共談經會心不覺夜過半風月一天霜滿庭

琉璃潭天唱和詩七絕二首

有小序

冬至後十日論學斯友堂多談潭天及黃赤九道諸友未達次日藥園兄同舜光範先男偉道致位初應五復集桴亭與純兒共九人重舉前說予乃以琉璃圓燈命舜光純兒畫道分星權爲潭天因指示日月出沒狀諸友

互相傳觀宿疑盡解時天色寒甚圍坐小亭
中笑語甚稠殊不覺也及啟窗風雪方亂乃
相與大噱暖濁醪各浮一大白賦詩而散詩
以記事不限體格識所得也今止記予詩及
藥園詩於後其全者有別刻

晚風輕雪小亭寒圍坐談天興未闌欲識乾坤無別
事水晶毬裏跳雙丸

此身久坐此圖中底事昏昏只阿蒙今日與君同一
笑誰人能識太虛空

附藥園五言古一首

我昔未知天此天此身外我今既知天此天此心
載天兮一何小心兮一何大乃知誠明通萬象總
不礙

題且了和尚像

題且了和尚像贊畢確菴讀而笑之曰此真
知己然而不莊時方屬藥園藥園曰我不復
作君當罰一詩謝過予乃更援筆書此然益
不復莊奈何

身似菩提腸似雪心如明鏡筆如鋒口口口口口

口今日陶潛卽遠公

打乖吟戲贈確菴

確菴於蔚村結四大會大會之中又分四小
會一講會與同志講易一懺會以合蔚村奉
佛諸公一鄉約以和村眾一蓮社以聯詩文
之友戊子十二月朔同人四集時予徒舜光
範先皆在二子不好佛確菴恐其惑作詩解
之有莫怪先生也是禪之句次日見舜光扇
頭有明道和堯夫打乖吟因屬予亦和一詩
卽戲占一絕以贈

昔日堯夫愛打乖打乖到處絕安排問君那得乖如

許莫被先生打下來

打乖疊乖民以混世俗也然世稱和以處眾者亦謂之乖蓋

言功也故戲語及此

壽諸莊甫母夫人七十用確菴原韻

孝子慈親何處來人間此地卽蓬萊無窮七十餘年事盡在高堂酒一杯

當年孝伯僞陳情此日瀾溪祇筆耕試把古今相較看定知誰辱竟誰榮

贈侯子記原

記原以家難隱於荒僻偶從友人齋得予八陣發明讀而愛之至是邂逅於蔚村握手如

故交不忍言別於其行也贈之以詩

昔聞三珠樹乃在海東域上枝摩青天下枝照京國
可望不可攀跂予令人瘠風塵毀天闕中幹折其一
兩枝尙飄搖臨崖屢頻厄陰雨霜雪雹旦夕恆颶颶
慄一作栗天曰汝無驚神物我所植嗟予凡鄙人幸得一
披拂挹其芬芳姿覩其珠玉質善氣入胸懷千日醉
心骨邂逅不可久依徙徒歎息何時當合併慰我長
相憶

贈華子天御

與君久相別君日在胸臆今君咫尺間亦復不可卽

德容益四座道氣照顏色靜對默無言令我躁心釋

按原稿卷二有懷華天御五言句云御公真靜者咫尺住南鄰相過常譚道相憐未是貧又七言句

云行遊把袂情方暢倏忽風塵驚蕙帳飄渺孤鴟天外飛枝頭燕雀空惆悵以其首尾不具特爲刪去附志

於此

予入蔚村訪確菴必艤舟晤幼玉黃子黃子輒持酒索詩今冬又過黃子復烹魚出新釀痛飲因賦一絕以贈

每過君家一艤舟相逢握手便相留丈人雞黍尋常事慚愧頻來魯仲由

又贈鼎甫諸子時鼎甫攜酒肴就幼玉齋共酌

記得中秋酩酊時今來又復醉君卮牀頭新釀頻分
飲且喜曾無非孟詩

鹿城緘菴諸子

緘菴分體本作白民

過訪予往海寧報謁

更值次桓徐子次桓家禾水文筆妙天下予
友默菴數向予道之邂逅相見不覺喜甚賦
此以贈二君

爲訪崑山壁還探赤水珠白虹含氣盛明月照光殊
交以動中合心從靜裏孚一時逢二妙吾道詎憂孤
緘菴次桓過予談道留梓亭小酌卽席賦贈
途窮知己貴歲儉菜根難幸有一樽酒聊爲半日歡

源流通閩洛枝葉鄙蕪韓身世何須問幽人履道寬
緘菴默菴次桓飲於桴亭在座者石隱鴻逸寒

溪藥園登善予甥舜光亦與焉時庭畔老梅

數株次相分韻各占一字爲一聯共賦七言

排律詩成以遲速爲殿最互浮大白相對盡

歡

我愛孤山處士清巡簷索笑酒杯傾

默菴

寒心暗動

隨葭管夜色輕分映玉衡

桴亭

鶴舞空庭憐照影笛

吹孤塞遠飛聲

鴻逸

高吟徧倚巖邊石細嚼渾忘屋

裏鑄

寒溪

東閣一枝殘雪冷西山十里暮雲平

登善

金莖露溼風前滴玉板香浮月下烹

次桓

倔強孤擇

由骨瘦飄零四出爲身輕

藥園

慚予苦澀酬雙韻憐

汝清芬舉一觥

石隱

數點天心枝上見十分春色隴

頭明

舜光

自從夢到羅浮後信得江南別有情

緘卷

默菴復唱韻效柏梁體人占一句名道古今一

大樂事時純兒亦出就席詩以次成飲皆如

序

謝公屐折淮淝戰

默菴

夔龍拜麗明光殿

登善

聖賢

相對稱一貫

梓亭

太史上奏德星見

寒溪

救民水火

須十亂

藥園

新辭幼婦兼黃絹

次桓

中原旗鼓雕龍

擅石隱

乘桴浮海仲由忙

鴻逸

吟風弄月歸書院

緘

菴

暮春沂水偕童冠

舜光

雞黍留賓二子見

宗程

端士王子北上公車非其志也卽席口占二律

贈別

極知此志久成灰俗累攻人萬檄催無可奈何今且去不須計較自歸來君將痛哭爲詩卷我把狂歌當酒杯無限離騷今日始傷心聊與酌金罍

短衣匹馬上離亭白日黃埃古道經鄒魯新營兵氣滿河淮舊戰血痕腥久拚筆墨藏眢井那有文章入口庭此去好將千尺淚燕山臺下哭冬青

口占贈別默菴陸子時歲除解館歸疁也

陸子歸舟將欲行須臾已是隔年情君鄉最號多才
地口口相煩一叱名

立春日五鼓夢駕巨舟泛大海波濤不驚水天
一色覺而此心曠然有自得之樂成一絕句
十二年來淺水中每嫌溪曲又多風今朝忽得輕帆
便大海波濤一鏡同

鼎甫惠甫幼玉鴻逸皆予蓮社友也每向予道

鶴城許安公筆墨之妙予因向安公乞四幅

惠之并人贈一絕句

贈鼎甫菊花水仙

菊花開到水仙花一路幽香興未賒十月泉清新酒熟送君朝夕對流霞

鼎老善飲

贈惠甫蘭梅

草有蘭兮木有梅芳心勁質兩無猜知君近作羅浮想贈汝猗蘭操一回

惠老近欲入山

贈幼玉浮林艇子

溪雲滄滄水風寒獨棹孤舟溯淺瀾有客到門何處去買魚沽酒在前灘

幼老子好客予輩每一過輒留飲

贈鴻逸叢林茅屋

叢陰灌木自蕭蕭傍水臨山置屋牢此是君口行樂
地蓮花詩社共逍遙

鴻老近欲於北郭構
精舍邀子輩共樂

蔚村講學之會確菴尊人湄川先生在沙溪聞
而樂之貽詩屬諸友和依韻答贈

絕學久如綫今茲幸有傳人高彭澤菊我愛蔚村蓮
風雨聯羣彥詩書集大賢遙知東海上一老避烽煙
沙溪

夜宿德隅與徐子承抵足依韻奉答

薄雪相逢欲暮天知心久矣託忘年深談夜半清無
寐不覺晨鐘落枕邊

贈友人作

懶拙年來止晏眠
救時匡濟在高賢
只今處處思良吏
更好爲蒼生猛著鞭

和卞貞憲先生正氣吟

有序

先生字子厚嘉善人從高忠憲遊與歸季思
吳子口同講學東林乙酉遇難絕粒死舟中
賦正氣吟云千尺寒潭難寫之捐生慷慨有
誰知啣丹渺渺歸天去相見文山對賦詩

宇宙綱常獨任之但求一是不求知莫言膚髮尋常
事請讀先生四句詩

梓亭八詠以下己丑

梓亭予所居讀書處也世衰無徒四方靡騁
聊乘此梓當浮海爾平居往還惟石隱寒溪
確菴數子而石隱有玉井軒八詠寒溪有寒
溪八詠確菴有蔚村八詠人皆有詩繫我獨
無新歲無事聊拈八題以當語道同志其屬
和焉

小亭

玲瓏四面八窗開獨坐孤亭絕點埃雪月風花供玩
嘯帝皇王霸入鋪排

危橋

直木三株不用丁到來一徑造斯亭入門賓客休驚
訝朝夕儂家掉臂行

清池

下有澄潭上有天天光水色兩悠然莫言此地無多
子魚躍鳶飛在眼前

瘦石

石丈端然春復秋與亭相對似相酬吾家論道尋常
事慎勿驚人亂點頭

老梅

陽和一氣轉重陰老樹新葩已暗尋何必花開纔著
眼虛空處處是天心

古桂

天上移來地下栽一年一度一花開老僧不用多饒
舌隔壁門庭未許猜

修竹

梓亭亭畔竹千竿箇箇虛心箇箇端鳳鳥不來朱實
老渭濱聊與共盤桓

新荷

偶然擷取種家渠轉眼根生葉復舒莫道蓮花方結

藥愛君已是十年餘

贈陳聖因北上

已絕風塵念翩然故一行世人皆口口吾子獨心明
李市神仙會陳潭道學盟遙看淮水北徒侶正宵驚

答徐次桓見贈卽用元韻

世亂身常治心同道不孤高賢方湊輻小子敢乘桴
松柏貴特立蓬麻在共扶真傳惟好學不必問殊途

次桓兄枉過草宿梓亭談心達曙口占賦贈

小亭寬窄僅如船醉後從教著地眠何必元龍樓百
尺吾家主客總無偏

與友人論學

無隱無言信有之而今且莫厭支離聖人三十方能
立未是從心所欲時

題畫

二老相逢坐翠微避人終日語依依應嫌世上皆周
粟共向山中說采薇

周臣招飲德藻堂次異公韻時次桓將有桐江
之行

攜手重來德藻堂更闌秉燭夜何長河山舊恨頻添
淚客座新聞屢佐觴殷子陟明述州中諸瑣事身世久拚同悅悴

別離又復動悲涼歲華今日非容易好把愁腸作酒
腸

和停雲四章贈陸翼王

停雲陶令之所以思親友也翼王歸寥中久
不見過春正八日風雨如晦獨坐梓亭思之
而作是詩

月正八日停雲霏雨我懷伊人道遠且阻有酒獨酌
有書獨撫君何時來慰我翹伫

雨之祈祈雲之濛濛我客維何王盛徐江開我梓亭
坐我南窗惟子不來歎息靡從

睇彼草木咸喜春榮維彼鳥獸亦各有情海宇反覆
干戈交征哀哉斯人靡樂有生

鴻飛冥冥或得平柯豈云久安聊以暫和同心無人
三五爲多學問不立老將奈何

送次桓之桐廬時在蔚村

吳山越水一輕舠咫尺桐江未是遙猶有羊裘人在
否爲言今日莫辭勞

短棹輕帆酒一壺蔚村良敘不爲孤桐廬去後人干
里更有佳朋一作期似此無

十五日與諸同志過蔚村講易并論儒釋次確

菴韻

窮途得伴卽非窮野賽孤村社火紅講易天人期寡過爲仁物我見同功

時確菴方以善過錄倡率村人

已知利往無良

馬且息平柯學冥鴻未達不須愁一間兩家相叩總

空空

入蔚村西堰

堰口恰容舟春流碧似油野人爭社酒稚子釣遊儻蓄水肥田腳翻泥罨草頭征徭如可避吾亦欲相留贈鹿城諸公甫時在蔚村與予論易談道凡三

日夜

搖落深悲友道淪相逢風雨一孤村學窮二氏心逾
約交徧天涯氣口溫睦族苦衷存譜牒識時微論在
乾坤年來洙泗荒蕪甚好闢荆榛立孔門

雪堂曹子種梅招飲不獲與聞是日聯句甚樂
爲追賦一律以贈

聞道君家已種梅小庭一夜暗香催贈來南國知同
調約到東鄰是老才索句奇思分好客飛觴新影入
清杯雪堂此日花如雪未見林逋且莫開

懷徐次桓寄贈

靈物雙飛自有神無端憔悴困延津別來莫怪相思

甚江北江南有幾人

海陽程士起避亂僑居沙溪有詩見示依韻賦

贈士起知音
律善天文

四海魚龍戰未休一枝聊爾寄沙頭追思故國多成恨漫譜新聲自解愁得意時吟梁父句占星獨上仲宣樓春來風穩當相過擬作平原十日留

題士起行樂圖

一帙圖書七尺七
作六琴知君雅志在山林如今那有清閒地展卷高歌祇痛心

贈友人移居

雨後遙尋處士家，幽棲小築傍溪斜。
叩扉一笑驚雙客，閉戶千言羨八叉。

栗里宗傳詩教遠，金谿交誼道風遐。

東門隙地年來少，又過西門學種瓜。

鹿城葉白泉贈確菴魯國圖并北雍聖像魯國

圖舊有謝臯羽原唱諸同志依韻追和亦勉成一律

魯碣相傳舊燕碑，寄贈新恍疑闕里。宅忽到蔚溪濱，
海內無文教天涯有聖人。荒村乏俎豆，規矩答先民。
己丑春正爲允三允三一作南村姊丈舉五十觴時庭前

梅花正開與廷一九日諸君痛飲花下

我昔方童稚君時亦妙年韶華驚暗度烽火幸粗全
短髮春風裏清歌濁酒前庭梅開正好莫負看花緣

齊女門行爲古吳袁重其節孝作

齊女門河水深霜清月白啼幽魂平生有志含未伸
一解手書在笥幼妻在閨風飢雨寒二雛熒熒誰與
成二解阿母謂兒汝慎勿嗔牀頭有敝筆箋中有故
紙可以朝夕供饔飧三解供饔飧出門傭書入奉匜

尊上怡老親下怡弟昆

四解

嗟哉袁生汝弗貧誰能學汝娛親心

五

學汝娛親心嗟哉袁生汝弗貧誰能學汝娛親心
解鄉黨聞其賢粟帛進王孫縣官聞其賢金書赫赫

旌市門四方聞其賢長歌短謡錫嘉吟六解玉爲軸
錦爲文燦然篇什垂星雲出入懷袖貽親令名吁嗟
袁生可久存七解

病起猶未能坐時時卧榻上旁粘禾中陳用亶

南湖曲口占和之

十里湖光九里蓮采蓮兒女並舟還偶逢何必問居
處總在南湖勺水邊

來時藏得釣魚針文件相瞞不用尋采罷歸來矜獨
釣白蘋花裏墮輕簷

南湖積雨氣如蒸深種荷花淺種菱但願今年水頭

好淺深聊得應輸征

湖北湖南蓮子垂紅裙蕩槳互爭馳采蓮自是儂家
計狂殺江南輕薄兒

病起次日曝書兼標寫輿地圖覺勞甚伏枕口

占

昨日勞心今日勞力所勞不同愛書則一聖人之言
上帝之則悖之則凶修之則吉是式是遵是欽是翼
白首其中樂復何極

畧中陳子義扶過訪劇談竟日賦詩贈之率成

一百韻

久不出庭戶芳草覆階額忽聞叩門聲云有遠方客
呼童出問客客來自何邑客來自膠水名姓欽在昔
開扉各一笑相視殊莫逆啟我桴亭窗展我桴亭席
乍對無寒暄深談便促膝座中有鄭子陳子久所識
我友藥園氏傾蓋亦乍炙縱論及古今開誠略形迹
縱橫西川圖排蕩東山弈主客話正濃日馭忽已直
命婦亟治餐客遠應未食甕中出黃粱池頭剖烏鵲
葵藿何足甘野人所親摘薄酒無厚味爲君佐談液
人生天地閒驟忽駒過隙吾儕適不偶值此運鼎革
風影驚鼓鼙夢寐厭戈戟山川忽破碎人物亦狼籍

或幽而爲鬼或奸而成蜮或柔如脂韋或毒如虺蜴
或爲蟲沙埋或爲猿鶴泣寥寥數君子朝野稱砥石
風塵一夕盡四海靜兀兀吾聞君寥中風土茂而質
自昔多賢豪往往相麗澤結社名直言期以共勉策
北風摧叢蘭根幹幾盡攀吾婁蠢弱地風節夙所啞
羣宗著風流正直猶痛疾南郭一被創聲勢遂倒易
君子修元黃小人秉符檄吾屬四五人雅志在修飭
粵維丁丑歲予實始和輯倡爲格致學朝夕共乾惕
考德兼課業旬會而月集上繼孔孟心下係程朱籍
豈曰狂與儕生人此常職更以聖賢學體用本合一

念茲經濟事用世所尤急躬行有餘暇研究窮日力
高探象緯原廣覽九州域河渠及兵法博綜恣所適
杯酒習射御風雨肄琴瑟彼此共告語心得靡所匿
宏才旣兼長專家亦各擇惟茲藥園氏所精尤賦役
辛勤及數載胸腹漸充實所賴區宇存乾坤未震拆
或堪爲斯世鼴勉效寸尺一朝日月改萬類皆蕩汨
吾亦羣其中安能自飛殲豫章在萌芽蓓蕾未甲坼
手可搔而絕足可蹣而抑龍螭未得志勢亦等蟻蟲
混逐魚蝦中泥首自滑滑惟時諸同學飛沈各散逸
確菴羽毛足遐舉振六翮寒溪在陋巷自隱於釣弋

藥園因家累書巖逃水國深柳學荷勑面目日黧黑
天涯有數子隔絕曠消息江漢卓犖才頃聞在鋒鏑
廣陵曾閱徒授書里門側哀哉崇川子慟哭海水碧
賤子鄙樸者牆東學種植運甓志已衰抱甕徒搨搨
牀頭書冊在時復一玩繹無聊一二三子相與講舊帙
時窮豈不知舍此靡所立顧維同志鮮時亦遭謗望
避人深自晦跔步常兢兢問字斯友堂談心竹亭北
幽人互相過聊以自怡憚去年秋冬閒忽與陸子值
予最欽嚙賢至此得其悉十月蔚村社邂逅更奇特
把臂得侯子快論徹肝膈是時君姓名吞吐在我臆

自念非晨風焉得生羽翼擬欲買舟楫造君破幽寂
何期惠然來先此賚蓬蓽君子當亂世所貴得其術
苟非同室鬪纓冠亦殊迫昔年湖海中旌旗蔽天赤
須臾自賊殺野水葬白骨今年江上頭飛矢暗白日
城郭摧破後婦孺飽屠伯生靈半蕩盡宗社亦無益
念茲心骨悲遵養亦非惑廢興自有天民生一何戚
讀書種子盡母得更浪擲聖賢之所爭不在旦與夕
民彝苟未泯否泰亦頃刻嗟予未強仕筋骨已衰澀
著書何所用斷爛糊四壁覩君英雄姿使我心氣溢
橫經吐奇談神采紛四射努力窮經綸六合藉開闢

答殷陟明見贈作兼步來韻

生平雅志在衡廬
尺蠖無才只寸墟
結客雄心悲日晚
歲憂時緒論寄殘書
風流予自違時好
懶拙人因誚我疎慚愧故交
能破寂滿林風雨閉門餘

讀陟明詩稿賦贈

妙麗應劉集雄才獨老瞞陟明亦姓曹鯨鑣碧海底鳳翥
青雲端八月荊江急三冬浙水寒知君遊覽勝盡向

筆中看

有雉

有雉有雉在山之巔以飲以啄亦曰自然家雞野鷺

羣飛相連鳴呼告警謂雉狂顚雉兮雉兮何匪之遭
不見鸞鳳乃見鷦鷯鷦鷯巢林一髮懸條不識樹大
焉知天高

同德璋兆飛至七都舟入斜塘作

挽舟入斜塘月出斜塘口薄霧如輕煙空濛襲榆柳
袒衣坐船舷滴露時及首路僻水道窄似風禪檣走
遲遲避罾網戛戛過簖留簌簌驚棲鳥殷殷吠村狗
短橋礙人面枯枝每掣肘荻葦何其多紛紛如亂帚
暗水滋蚊蚋時復一螯手屏息伏船底覆壓相雜揉
有時亦開豁忽若啟戶牖平疇左右列種植自畝畝

星微雲氣薄露溼稻香厚榜人發長歌清風起颺颺
披襟當清風欣快得未有人生天地間所值良不偶
遭逢半荆棘况乃多塵垢日出月復沒陰翳亦不久
何當一開朗使我胸腹剖

短歌行

獨行登山徒侶孤單風雨侵衣谿谷艱難扶老在梁
鵠離在樹鶴行避株恐觸其蹠高高者天日月出沒
東西渺汎不見萬物江河滔滔舟楫飄飄欲渡無人
日拙心勞彼唐與虞胡遽而微我欲從之世不我俱
世不我俱我其奈何巢許曾閔與之爲徒

七都

婁中土已瘠此地尙差強風俗猶餘樸人家半小康
七了通海市六尺起花莊但得一塵隱何妨老是鄉
中夜聞桔槔有感

東村夜夜桔槔聲月落星橫尙未停鼓角高衙眠正
穩天明飛檄下嚴城

曉起

曉起散髮樹下坐蝙蝠衝蚊掠衣過當頭忽下露兩
點背月獨見星一箇村邊煙高竹篠齊海上日出車
輪大隔岸遙聞相喚聲人家趁涼下田作

久旱得微雨

萬物方困頓澤竭一何久飛雨忽而集一望潤南畝
譬如遠行人邂逅得醕酒雖無酣足味涓滴亦不偶
天恩非昔日慎勿過求取

雨後晚步

我方出門行飛鳥已倦還行止雖不同各自娛其天
昨夜雨初足田疇媚娟娟牧子抱犢卧今日聊息肩
夏日懷郁子儀臣

夏日忽憶君憶君池上竹竹邊有流泉清冷浸寒玉
君獨居其中解衣恣盤礴坐卧北窗下皤然坦其腹

澄心發高言興至理亦足遠勝陶與謝讀者肌骨蕭
我居荒村閒感目多所觸慚無筆墨樂累此章句俗
時誦相詒篇聊以慰幽獨

秋雨

入秋連夜雨恰恰起新寒海日曉猶溼溪雲朝未乾
帶泥扶稻穡和水看花盤莫道田家樂躬耕邇正難
夜漁

空村秋歇雨獨港夜迴潮岸迴瓦燈暗波深水樹搖
風鳴知葉墮人語識魚跳贏得兒童喜謹譁竟一宵

病中偶吟

天地迥無極吾生殊有涯難將一寸土種盡人間花
春氣一以滋萬物皆萌芽大哉陽和功博達非浮夸
確菴將移居湖頭村赴子晉毛子之約予徒範

先邀至諸涇并約予及石隱聖傳翼王同往

話別劇談四五夕或至達曙無非義理往復

遂拈淵明斜川遊詩爲韻各賦五言一首

涼秋方卧疴書卷亦暫休陳子有遠行悵然爲茲遊
賢主集嘉賓道侶挈英流舉網得巨鱗開軒見輕鷗
遙心寫鳴磬幽情寄遐邱談經論奇字此樂無與傳
聚首四五夕高言日唱酬未識天壤間亦復有此否

至理各在茲聚散奚足憂俯仰苟不愧浩浩夫何求

次韻贈別確菴

一宵燈火十年情促膝更闌月色橫我暫東來無幾
日君今西去更多程蔚州村裏曾開社汲古齋中近
著聲自愧屢違秋蟹約定期湖畔聽春鶯

北步再別確菴

高城風急畫氤氳揮手河干又送君舟子漫隨秋樹
轉野航恰向夕陽分池塘有夢驚春草樽酒無情悵
暮雲翹首蒹葭煙水闊天南鴻雁不堪聞

題延庥表兄行樂圖

短笠芒鞋犢鼻衣心閑無事飯牛肥前溪雨漲新苗
綠更喜公家稅檄稀

寄懷禾中徐次桓

記得春風攜手時梅花香裏共持卮扁舟忽下嚴陵
瀨四壁空餘謝眺詩海內文章連璧重天涯淪落寸
心知鴛鴦湖水盈如盞不見征帆祇自悲

傲骨驚人誚未休南州高士迴難儔伯鸞自不因人
熱叔夜安能與俗謀府署笙歌酣弔馬汪湘一作潮風

雨冷潛虬小園叢桂方堪賦耐可君無乘興舟

龔母王夫人婦德之純而母儀之備者也其幼

子兆飛從子遊得聞其詳今年五十同人進
觴咸獻詩歌予因作節孝賢能壽五頌其詞
曰

何以頌母節頌以魯陶嬰陶嬰賦黃鵠哀吟感人心
惟母獨不然守志忘其名貞者婦之常筆墨毋乃矜
何以頌母孝頌以范宜春剗肺療姑疾割骨名其村
惟母獨不然聖人慎傷生三時進甘旨康樂稱天倫
何以頌母賢頌以陶侃母結客成子名截髮不復顧
惟母獨不然毀容禮所惡盤飧有餘力奚爲襟肘露
何以頌母能頌以女懷清丹穴擅奇資用財能衛身

惟母獨不然驥貨戒滿盈秦人雖有臺不欲汚其名
何以頌母壽頌以西王母驂駕青鸞車嘉言一作乘之錫
漢武惟母獨不然神仙多謬誤令德自壽愷百年如

旦暮

瑣水客邸述之王子見訪卽攜新詩過讀并以
瑤篇見贈依韻賦答

風霜客邸忽逢君更讀新詩齒頰芬子美亂離占勝
句東坡嶺海老雄文慚予獨處得無得念子何由聞
所聞珍重清吟意稠疊相思常望北來雲

旅次答龔向辰時向辰穫稻海上予買木棉瑣

水適然相值讀予思辨錄有贈賦此以答

耕穫非謀食經營亦偶然故一作欲爲讀書地聊以治

生先機息塵無累身安道乃全君看羣動者亦自若

一作樂其天

虞山盛益明索贈自言其家小樓溪樹之勝因

走筆爲賦

聞說君家有畫樓樓前竹樹繞溪流讀書欲罷憑高
望海上奇光在斗牛

飲張子威家漫賦子威曾從學先君飄忽三十
年矣爲之悵然

憶來三十載相對忽成愁人世誰青眼知交已白頭
風塵餘短鬢天地寄浮漚樽酒平生意扁舟一作盡爲君

日留

確菴移居隱湖以湖村晚興十首見貽卽韻遙

和

返照穿林映碧潭人家一半在湖南晚來湖上輕煙
起飛向山頭作曉嵐

日落臘脂射眼紅明朝非雨卽多風釣船一向無心
繫且自牽藏小港中

賣魚船到鼓頻過八字湖頭日腳斜笑簡青蚨添數

尾明朝戽水喚工車

荒荒水月上前陂竹樹叢深暗曲池自起支門看場
角雞雛將母宿東籬

婁江沙滿海無潮汲古秋燈暗自挑幾度九龍灣上
望不知何處七星橋

一日思君一百回新詩忽到覩清裁何時買箇平頭
艇棹向湖南村裏來

小船撇白製輕鬆溪水秋乾僅沒胸聞道種魚多畏
獵岸頭多植木芙蓉

村頭處處起炊煙白酒新芻色味鮮湖上人家多斷

水門前個個繫湖船

移家潭上又湖頭總是煙波到處愁白露蒼茫天水接道人誰道不悲秋

短棹輕帆暮靄前平湖一片迴相連直從周市過唐
市恰似斜川到輞川

壽王範先尊人五十

青榆綠柳夾高門五十年來德譽尊原上桑麻天地
力牀頭書劍祖宗恩向平已自完婚嫁陶令何妨對
酒樽更願太平人事好春風鼓腹哺雛孫

贈王紫霞表兄

王生好武更能文束髮相看便不羣勇略向推班定
遠丹青近識李將軍牀頭劍槧關門雪筆底山川輿
國雲底事封侯何足羨相期斗酒醉斜曛

梓亭先生詩集卷二終

後學王康青敬校